

समे – 12:25 hrs.

<><><><><><>

Prez. HR Day

राष्ट्रपति द्रौपदी मुर्मू होंरें अज्ज नमीं दिल्ली च मनुक्खी अधिकारी मतल्लक राष्ट्रीय आयोग आसेआ आयोजित इक कार्यक्रम गी संबोधित करदे होई मनुक्खी अधिकारें दी राखी हिफाजत दे महत्वै पर लोs पाई। उनें आखेआ जे इक मजबूत ते खुशहाल लोकतंत्र लेई मनुक्खी अधिकारें दी राखी यकीनी बनाने आस्तै न्यापालिका गी लोकें दे समाजी, आर्थिक ते सियासी अधिकारें लेई बी आयोग कन्नै तालमेल ते सहयोग कन्नै कम्म करना लोइचदा। अज्ज मनुक्खी अधिकारें सरबन्धी ध्याइपा मनाया जा करदा ऐ। हर बरे 10 दिसंबर गी एह ध्याड़ा मनाया जंदा ऐ। मनुक्खी अधिकारें बारै विश्व व्यापी घोषणा गी लेइयै अज्ज दे दिन एह दिवस मनाया जंदा ऐ। संयुक्त राष्ट्र दी आम सभा नै 1948 च इस घोषणा गी अपनाया ते प्रमाणित कीता हा। एहदा मकसद समूलची दुनिया च मनुक्खी अधिकारें दी हिफाजत करना ऐ। इस बरे दा विषेसार ऐ स्हादे अधिकार, स्हादा भविक्ख।

<><><><><><>

PM-SIH 2024

प्रधानमंत्री नरेंद्र मोदी होर कल स्मार्ट इंडिया हैकार्थॉन 2024 दे ग्रैंड फिनाले च वीडियो कांफ्रेंसिंग राएं युवा इन्नोवेटर्स कन्नै गल्लबात करंगन। इस ग्रैंड फिनाले च 1300 कोला मते विद्यार्थी शामिल होंगन। प्रधानमंत्री होर इस मौके पर किट्ठ गी संबोधित बी करंगन। 7मीं

स्मार्ट इंडिया हैकथॉन कल मुख्य भरै च एस-1 नोडल केंद्रें पर शुरू होग। साफ्टवेयर संस्करण विजन रूके दे 36 घंटे तोड़ी चलग जदकि हार्डवेयर संस्करण 15 दिसंबर तोड़ी जारी रौहग।

<><><><><><>

Jammu SIH

आई.आई. जम्मू स्मार्ट इंडिया कैकाथान 2024 दे शानदार आयोजन लेई पूरी चाल्ली तैयार ऐ ते इसी लेइयै लोकें दी तांग बड़ी मती बदी गेदी ऐ। कल यानि 11 दिसंबर थमां आई.आई.टी जम्मू स्मार्ट इंडिया हैकथॉन 2024 दे साफ्टवेयर संस्करण दी मेजबानी करंगन। मुख्य भरै थमां 30 टीमां साइबर सुरक्षा सरबंधी चुनौतियें कन्नै निब्बड़ने लेई उपाs लेइयै औने आहली मुकाबलेबाजी च शिरकत करा करदे न। इस कार्यक्रम च आई.आई.टी जम्मू थमां 3 टीमां बी नोडल केंद्र कर्नाटक, दिल्ली ते गुहाटी च हिस्सा लै करदियां न। कुल भारत सतह दे नवाचार गी बढ़ावा देने आले इस हैकथॉन दा एह् 7मां संस्करण ऐ जेड़ा कल मुख्यै दे 51 प्रमुख नोडल केंद्रें पर शुरू होग जेदे च आई.आई.टी जम्मू इक प्रमुख मेजबान दी भूमिका निभग। आई.आई.टी जम्मू दे डरैक्टर प्रोफेसर मनोज कुमार गौर होरें आखेआ जे स्मार्ट इंडिया हैकथॉन 2024 दी मेजबानी जम्मू च करना उंदे लेई बड़े मानै आहली गल्ल ऐ। इस दौरान मुख्य भरै थमां प्रतिभाशाली लोक इत्थे आइये अपनी प्रतिभा दा प्रदर्शन करडन।

<><><><><><>

Parliament-Session

संसद दे दौनें सदनें दी कार्रवाई विरोधी धड़ें आसेआ पाई गेदी डंड रौली दे चलदे स्थगित करी दिती गई ऐ। अज्ज बड्डलै बी विरोधी धड़ें दे आई.एन.डी.आई ब्लॉक दे सांसदे अज्ज इक प्रमुख भारतीय कारोबारी समूह खलाफ कथित तौरा पर गुज्जखोरी मामले गी लेइयै संसद भवन दे अहाते च विरोध प्रदर्शन कीता। एहदे च कांग्रेस, द्रविड मुनेत्रम कड़गम, झारखंड मुक्ति मोर्चा ते खब्बे धड़े दियां पार्टियां शामिल होइयां। लोकसभा च विरोध धड़े दे नेता राहुल गांधी, कांग्रेसी नेता प्रियंका गांधी, जे.जे.एम दे महुआ माझी, डी.एम.के दी कनिमोझी करुणा निधि ते होर केई नेता शामिल होए।

<><><><><><>

JK Minister

जम्मू-कश्मीर सरकार नै इक महत्व पूर्ण फैसला लेंदे होई अपने मंत्रिं गी जिले लाट कीते न जित्थे ओह विकास कार्यक्रमें दी असरदार अमल आवरी यकीनी बनाने लेई लोकें कन्नै नेइमा तालमेल बठाइयै ते सार्वजनिक सेवाएं दी दस्तयाबी पर नेइमी तक्क रखदे होई कम्म करडन। सरकार आसेआ जारी हुकमै मूजब उपमुख्यमंत्री सुरेंद्र कुमार चौधरी होर जम्मू, पुंछ, अनंतनाग ते शोपियां जिलें, मंत्री जावेद अहमद राणा होर डोडा, राजौरी, पुलवामा ते बारामूला जिलें, सकीना मसूद, इतू, कुपवाड़ा, श्रीनगर, कठुआ ते साम्बा ते जावेद अहमद डार गांदरबल, बडगाम, किश्तवाड़ ते रामबन, सतीश शर्मा होर उधमपुर, रियासी, कुलगाम ते बांडीपोरा जिले दी जुम्मेवारी साम्भडन। मंत्रिं गी बक्ख-बक्ख जिलें दा जिम्मा सौंपने दा मकसद सरकार दिएं सब्भनें पैहलकदमिं दा असर ते फैयदा पूरे प्रदेश च भलेआं जमीनी सतह तगर पुजाना यकीनी बनाना ऐ।

<><><><><><>

JK-ACB-Cases

भ्रष्टाचार रोधी ब्यूरो नै पिछले 5एं बरें च पूरे केंद्र शासित प्रदेश जम्-कश्मीर च 440 शा मते मामलें दर्ज कीते न। आकाशवाणी जम्मू संवाददाता दी रिपोर्ट मूजब पिछले 5एं बरें च ब्यूरो नै बक्ख-बक्ख कथित भ्रष्टाचार मामलें च 444 एफ.आई.आर दर्ज कीतियां न। अधिकारिक आंकड़ें मूजब कश्मीर खिते च 275 मामले दर्ज कीते गेन। जिसले के जम्मू प्रांतें च 169 एफ.आई.आर दर्ज कीतियां गेइयां न। बरे 2022 च सब्भनें शा मते 128 मामले दर्ज कीते गे हे जेदे च कश्मीर खिते दे 88 मामले शामिल हे। जेड़ी पिछले 5 बरें च इस क्षेत्र लेई इक बरें दी सारे शा बद्द गिनतरी ऐ। भ्रष्टाचार विरोधी ब्यूरो श्रीनगर थाने च 40 एफ.आई.आर दर्ज कीते गे जेडत्रे कुसै बी स्टेशन लेई सब्भनें शा बद्द न।

<><><><><><>

Vaishno-Devi

श्री माता वैष्णो देवी जी दे दर्शन करने औने आहले यात्रुएं दा आंकड़ा 2022 दे बाद लगातार त्रै बरें च 90 लक्ख कोलां रेआ ऐ। श्री माता वैष्णो देवी श्राइन बोर्ड दे मुख कार्जकारी अफसर अंशुल गर्ग होरें दस्सेआ जे बोर्ड दे मते प्रोजेक्ट्स 2025 तककर पूरे होई जाने दी मेद ऐ जेदे कन्नै श्रद्धालुएं गी यात्रा करने च होर मती सखाल होई जाग।

<><><><><><>

Malaysia

ओमान दे मस्कट च महिलाएं दी जूनियर एशिया कप हॉकी प्रतियोगिता च भारत नै मलेशिया
गी 5-0 कन्नै हराइए अपना शानदार प्रदर्शन जारी रखेआ ऐ। इस प्रतियोगिता दे इतिहास च
मलेशिया खलाफ भारत दी एह लगातार त्रीs जित ही। मट्ठी रफ्तार ते मलेशिया दी मजबूत
रक्षा पंक्ति दे बावजूद खेड़ दे त्रीए क्वार्टर च भारतीय टीम नै कामयाबी हासिल कीती।

<><><><><><>